



Broj: 02-04-3-3775/23
Goražde, 13.10.2023.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br.39/14, 59/22) u postupku javne nabavke – konkurentski zahtjev za dostavljanje ponuda za nabavku novog putničkog motornog vozila za Službu medicinske pomoći, Gradonačelnik Grada Goražda donosi:

O D L U K U

o prihvatanju ponude ponuđača "A.C.I." d.o.o. Sarajevo za nabavku novog putničkog motornog vozila za Službu medicinske pomoći

I

Ovom Odlukom se, nakon provedene tenderske procedure za nabavku novog putničkog motornog vozila za Službu medicinske pomoći, prihvata ponuda ponuđača "A.C.I." d.o.o. Sarajevo čija je cijena ponude 35.460,00 KM bez PDV-a

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke.

III

Nakon pravosnažnosti ove Odluke u roku od 10 dana od datuma prijema odluke ugovornog organa, ugovorni organ će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Izabrani ponuđač će prije potpisivanja ugovora, u roku od 7 dana od dana zaprimanja obavještenja o rezultatima postupka dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama.

Ukoliko odabrani ponuđač ne postupi u skladu sa gore navedenom obavezom ugovorni organ će ponuditi zaključenje ugovora drugorangiranom ponuđaču.

O b r a z l o ž e n j e

Gradonačelnik Grada Goražda je dana 28.09.2023. godine donio Odluku o pokretanju postupka javne nabavke novog putničkog motornog vozila za Službu medicinske pomoći broj 02-04-3-3775/23.

Na osnovu navedene odluke objavljeno je Obavještenje o javnoj nabavci broj 413-7-1-50-3-47/23 na portalu javnih nabavki dana 29.09.2023. godine, dok je Sažetak navedenog obavještenja objavljen u „Službenom glasniku BIH” broj 69/23. Tenderska dokumentacija za ovu nabavku je objavljena takođe na portalu javnih nabavki i istu je preuzelo jedanaest zainteresiranih ponuđača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 10.10.2023. godine.

Komisija za provođenje procedure javne nabavke imenovana Rješenjem Gradonačelnika Grada Goražda broj 02-04-3-3775/23 od 28.09.2023. godine dostavila je izvještaj o pregledu i ocjeni ponuda iz kojeg se vidi sljedeće:

- da je u ostavljenom roku za dostavljanje ponuda za nabavku novog putničkog motornog vozila za Službu medicinske pomoći dostavljena 1 (jedna) ponuda od strane ponuđača "A.C.I." d.o.o. Sarajevo,
- da je dostavljena ponuda ponuđača "A.C.I." d.o.o. Sarajevo formalno pravno ispravna u skladu sa zahtjevima iz tenderske dokumentacije, te da navedeni ponuđač ispunjava uslove u pogledu lične situacije i sposobnosti za obavljanje profesionalne djelatnosti kao i tehničke i profesionalne sposobnosti ponuđača postavljene tenderom,
- je dostavljena jedna prihvatljiva ponuda pa u skladu sa članom 3. tačka (3) Pravilnika o uslovima i načinu korištenja e-aukcije, e- aukcija nije zakazana,
- da je ponuda ponuđača „A.C.I.“ d.o.o. Sarajevo sa cijenom ponude u iznosu od 35.460,00 KM bez uračunatog PDV-a ocjenjena kao prihvatljiva za ugovorni organ.

Komisija za provođenje postupka javne nabavke za nabavku novog putničkog motornog vozila za Službu medicinske pomoći predložila je donošenje Odluke o prihvatanju ponude ponuđača „A.C.I.“ d.o.o. Sarajevo budući da je ponuda navedenog ponuđača na osnovu rezultata pregleda i ocjene ponuda, ocjenjena kao prihvatljiva za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje URŽ putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđaču
2. web stranica ugovornog organa
3. u spis,
4. a/a.-

